

欽定全唐文

欽定全唐文卷二百七十八目錄

裴寬

藏冰不固判

崔袞

彈百僚班秩不肅奏

諫爲金仙玉真二公主造觀疏

寧原悌

論時政疏五篇

上太子啟

劉秀

涼州衛大雲寺古刹功德碑

劉待價

朝議郎行兗州都督府方與縣令上護軍獨孤府

君碑銘

并序

欽定全唐文卷二百七十八

裴寬

寬絳州聞喜人以文詞進景雲中舉拔萃科累官御史中
丞兵部侍郎元宗朝爲禮部尚書天寶十四載卒年七十
五贈太子太傅

藏冰不固判

所司藏冰不固訴云採冰戶家不依尺樣

正德厚生九功惟序備物致用十翼斯崇均諸五行廢一
不可況氣移西候日躔北陸深山窮谷涸陰沴寒狐絕聽

而無疑鴈爰飛而向暖風驚千里草木落而云黃冰結三
河波瀾凝而不動眷言主者則有司存理宜採彼幽詩循
茲魯策獻羔無闕賓祭有宜何得慢令致期以速官謗氣
已昭於發洩罪將犯於刑書雖嫁禍於戶家固難免於科
罪

崔袞

袞中宗朝官左臺侍御史睿宗景雲二年爲吏部員外郎
彈百僚班秩不肅奏

臣聞叔孫通覩漢朝儀多闕尊卑失序所以分別上下申

明禮儀於是羣臣知天子之至尊高祖知皇帝之爲貴此
皆由班秩不忒威儀容止不差是故作孚萬邦用刑四海
者也臣竊見在朝百僚多不整肅公門之內詎合論私班
列之中尤須致敬或縱觀勅旨或旁閱制詞或交首亂言
或遠班問事或私申慶弔或公誦詩篇或笑語謔譁或行
立怠惰承寬既久積習如常不增祇懼之容實紊矜莊之
典臣謬膺推擇叨掌糾彈見無禮於朝廷誠是臣之深恥
況西戎獻款北狄來賓恐觀中國之失儀招外蕃之所謂
更若知而故犯不革前非望即停其入內量行貶削

諫爲金仙玉真二公主造觀疏

伏承陛下緣兩公主造觀可爲尊德敬道矣割慈忍愛上爲七聖崇福下爲萬邦作因豈不願神力潛資靈功密祐社稷永固宗廟長存者乎臣謂功奪其成凶與其敗寧邦致亂修福招殃何則季夏事殷時多禁忌斬木發土移石開山非直苦人必是傷物欲益反損求安乃危臣知其否未見其可然則救犯不暇何福助之有焉且季夏者七德正王之月炎陽方暑之月草木茂盛之月昆蟲繁育之月天地鬱蒸之月黍稷鋤耨之月夫土德正王之月不可發

洩地氣恐犯時禁則必有天殃有天殃則人心不附禍亂作矣炎陽方暑之月不可興動版築恐致霖潦必無成功無成功則人力不存怨望結矣草木茂盛之月不可以斬伐山林恐非堅實則速蠹敗速蠹敗則人勞不衷獎勸阻矣昆蟲繁育之月不可以穿鑿原隰恐乖惻隱乖惻隱則必生災變生災變則人業不安逃亡衆矣天地鬱蒸之月不可以徭役丁夫恐爲玷污則必多天枉多天枉則人情不樂風俗離矣黍稷鋤耨之月不可以妨奪農桑恐傷禾稼則必闕歲計闕歲計則食用不足盜賊聚矣行此六者

謂之六殃書曰德惟善政政在養人傳曰新作南門書不時也又曰凡土功龍見而興務成事也火見而致用水昏正而裁日至而畢此言功作從時者所以順於天地也詩曰定之方中作爲楚宮此言宮室合時也禮曰季夏之月樹木方盛無有斬伐無搖養氣不可以興土功妨農事則有天殃違此四者謂之四犯陛下營兩觀而降六殃損萬人而招四犯欲將致理不亦難乎臣望順時從人休功罷役候定中以建事占水正而修裁所冀天地鬼神降福臣聞漢明帝永平三年夏大旱是時大起宮室尚書僕射鍾

離意免冠上疏曰昔成湯遭旱以六事自責政不節耶使
人疾耶宮室營耶女謁盛耶苞苴行耶讒夫昌耶竊見此
宮大作人失農時此所謂宮室營也自古非苦宮室小狹
直患人不安寧須應天心勤能勞役帝善而從之諸作減
省即日澍雨今者雖非宮室起功終是觀寺興造伏望俯
從臣請待冬初庶得伐木各宜役功無犯矣必以天文徵
應神理須然用厭機祥事資興建與其積怨傷國孰若施
恩養人往者宋景一言熒惑猶能退舍但陛下從諫凶咎
定不爲災

寧原悌

原悌睿宗朝官太子洗馬先天元年由諫議大夫爲嶺南道宣勞使

論時政疏五篇

臣聞俗正時康則因循而易守人訛道替則馳騖而難安或垂衣而有餘或日晏而不足雖唐虞之盛烈文武之鴻徽未有不委任股肱留情陟用故善人者天地之綱紀帝王之羽翼靡革於仇讎莫限於芻隸不可失也自天授以來二十餘載周興來俊臣等譖害忠良壅蔽正直先皇舊

臣夷滅殆盡唯有狄仁傑魏元忠尚存仁傑等處先帝之朝猶爲小吏及周室之際實謂忠臣或樹績當時徇身王室近者變故頻及衣冠掃地忠臣名士纔餘數人爲陛下之棟梁作聖朝之耳目今者元惡已誅佞臣咸黜而人訛俗壞爲日已久理宜開張聖德杜絕猜嫌用是求人宣力王室使醜正惡直之士不有容其間隙讒邪佞媚之徒無所施其巧辯然後可以議黎元安邦國則饒倖源塞聖王道興若使浸潤旁通危人路啟顏俊忠而獲罪茂先直以招怨雖有渭濱之賢傅巖之秀途遭卒遇難以爲用也則

危亡之期或未可保拯救之道將安所施

求才之難每留連於大聖知人不易亦惆悵於先哲今天
下諸州良牧蓋寡何者古難其選今悔其職也然而代所
重於京都時見輕於州縣者何也古者牧守政成擢登三
事郎官特秀先宰一同潁川則黃霸爲公會稽則五倫入
輔事不師古何能垂濟誠願尚書曠職則於方伯求材郎
位闕官必以循良擢用事懸象魏道著彝章茲令克行仁
風大闢考績三載誠爲故實

隆周之君垂仁義以勗後亡秦之主訓刑罰以流嗣或入

百延慶或二代亡家餘烈可知前史明鑒伏以太子初建
養德春宮諸王在藩飭躬朱邸並請遠去邪佞親近正人
知好佞之危身識尊儒之廣德動遵師傅之訓察納風雅
之言誠使官府官僚賓客侍讀日資其道德月奏其藝能
冀仁義於邦家樹邕穆於天下臣又以悖逆庶人先朝之
愛女也肆讒慝於朝政崇甲館之華麗極宇內之驕奢新
都宜城先朝之庶孽也新都宜城二公主邑名賜不踰於已分言不
預於外謀抑以全身疎以遠害故寵者則驕矜而遇害疎
者則抑損而獲全誠使悖逆新都易地而處則存亡去就

可立而待也故長安非賢燕后爲愛古今明驗斷可知矣誠願公主駙馬不得假以權要所犯必有懲所習必有藝則九族既睦萬邦以寧

臣觀老尚虛無釋尚寂滅義極幽元之旨思遊通方之外故入道流者則虛室生白淨慮元門該釋教者則春池得寶澄心淨域然後法貫羣有道垂兼濟過此以往莫非邪惑其有鬻販先覺詭飾浮言以複殿爲經坊用層臺爲道法皆無功於元慮誠有害於生人梁武靡報於前先朝殷鑒於後咸耳目所接黎元憤怨伏以公主入道京城置觀

雖昭報之誠有切於天旨而社稷之計莫踰於安人若使廣事修營假飾圖像盡宇內之功巧傾萬國之資儲爲福則靡効於先朝樹怨則取謗於天下自隋室以降寺觀尤多禪定東明之城足受緇黃之衆更爲建立罕見其宜後失請收前弊未遠又先朝所狎僧衆或有猶居聖側無益於政理有紊於朝章並請屏退無令親近

夷狄有釁廟堂之憂也近疊多虞大夫之恥也今聞黠虜擅命堅昆娑葛養精蓄銳以南侵爲多事而人戶全虛府庫半減倘或後歲之始來秋之末良弓漸勁塞草將衰朔

代交鋒靈夏受敵中國將何卒應哉伏願共天下以禦匈奴率王公以憂邊事輕租薄斂和下土之心簡賢任能結衆人之愛去奢崇儉實府庫之積推仁重信納將士之謀去私恩布公道故知兩夷有隙上國之資也高壁藏威待兵觀變因二虜之相持擅漁夫之厚利計有可舉時不可失斯五者並政之要也伏願陛下舉宏綱省衆務高拱嵩廊責成賢哲徘徊於大道之域從容於無爲之場故立綱垂制後嗣流範至仁也安上全下先業不墜至孝也感而必通姦不暇伏至明也神化風行萬方草靡至德也必使

休徵累及聖政日隆遐邇宅心戎夷慕義神功光乎區宇
鴻業格乎天地三代之興皆由此也

上太子啟

臣聞事有可言者直臣所以抗議忠而見棄者志士所以
太息至於竭誠事君信而獲罪懷祿輔國詔於取容二者
難明取舍或異臣竊爲朝廷憂之伏惟殿下孝敬純深仁
明善斷有大功於天下繼元良於社稷萬姓所以拭目百
寮所以清耳皆欲王化之興隆風俗之革易也頃年以來
天綱少紊小人趨競內難屢起方當振綱張弦之秋委才

任士之日若推心得人則萬目直舉如託寄非所則百度
斯廢故王者先擇良臣復能任使均明同日月無私並天
地功高化洽地平天成又以爲官擇人者理爲人擇官者
亂理亂之繇官人之職也自二月以來勅令授官吏部注
擬填塞府寺滿盈臺省其優勞當作別勅放選或虛名邀
功或作才僥倖日以增益布列州縣殫竭府庫侵削黎元
臣誠以爲漸不可長也昔晉政多門官以賄進劉毅憂其
危傅咸恐其亂武帝終而不悟卒有敗官之尤十數年間
億兆塗炭是知古者省吏以崇化不聞多官以致理臣以

爲懲其弊者歸乎任人者也故忠臣難進而易退無黨而
孤立守死善道執心不移迺姦人之所嫉爲國家之所利
近者姚元之宋環居獻替之職處銓衡之地用節員位頗
立繩紀不爲權門贖貨所拘而以平心汲引爲務於時草
澤之賢翹足待用天下凜然復有昇平之望也臣觀二相
爲人勵已忠肅直身鯁亮雖有微疵又受黜責且守正之
士志節之人棄瑕錄用今其時也昔叔向下獄祁奚訟之
猶將宥其十代以勸能者況其身不免乎往者易之三思
傾動朝政所賴東之元忠戮力王室社稷殆危忠臣處朝

而獲安神器將移賢者竭誠而必復豈非忠臣良士力哉
環等行事無忝今古夫安必思危理則憂亂明王之誠也
忠臣處朝姦邪屏退興邦之道也易曰雷雨作解君子以
赦過宥罪殷下誠能捨其無咎收彼衆望因主上之餘閒
議朝政之臧否使並悔過令復舊職則舉善之美垂於無
窮濫官之弊澄清匪日矣

劉秀

秀中宗朝官修文館學士

涼州衛大雲寺古刹功德碑

夫無爲者靜而常樂應物者成而不有是知冥權弗恃瀰
淪大悲可主方便於三界之中沒引四生宏宣八政非八
萬四千無以開其妙門之路三十七品宏其淨土之衢者
也大雲寺者晉涼州牧張天錫昇平之年所置也本名宏
藏寺後改爲大雲因則天大聖皇妃臨朝之日創諸州各
置大雲隨改號爲天賜菴其地接四郡境控三邊衝要俯
蒼松而環城珍白蘭而作鎮揆日影占星表三時說法已
布金沙四柱成臺遠分瓔珞當陽有花樓重閣院有三門
迴廊依寶林而秀出千瑤光而直上洵人天之福地爲善

信所皈依也時有明牧右武將軍右御史中丞內供奉持
節西河諸軍節度大使赤水軍大使九姓大使監秦涼州
倉庫使檢校涼州都督河內司馬名逸實晉南陽王模十
三代系也英瑋明允特達聰亮負經濟之偉才屬會昌之
鴻運學綜羣玉文擅擲金撫俗安邊式昭神武加以宿植
善因深究元理按部餘暇虔誠淨土重興般若之臺廣塑
真如之像赤水軍副使右衛將軍陳宗北左金吾衛翊府
中郎將安忠敬軍長史萬徹軍司馬王休祥神烏縣令胡
宗輔並門承詩禮世襲箕裘席工文墨兼悟兵機深達般

若樂修檀行乃懲惡司馬等僉議裝嚴於北面化十善十惡四面行廊則兵爲喜捨樹檀那之副明曠劫之因於堂中面畫淨土變面西化地獄畫高僧變並刊傳贊院山門內各畫神王二東西兩門各畫金剛其後地獄變中觀音菩薩二地藏一齊空放光久而不滅花樓院有七層木浮圖即張氏建寺之日造高一百八十尺層列周圍二十八間面列四戶八窗一一相似屋巍巍以崇立殿赫赫以宏敞擬璣臺之懸居狀層城之始構年代縣遠其下層微有凋落欲加繕補人力未就俄而東西三間忽然摧倒因掘

舊基得古錢一甕以助工後司馬公復與軍州共爲營構
總剔四面更敞重簷於南禪院迴廊畫付法藏羅漢聖僧
變摩訶法東來變七女變北禪院畫三界圖九相觀音福
比邱翻譯經典有造經房一所梓匠呈材河宗獻寶資銑
以三品訪丹於九區抵鵠無遺傷蛇咸錄郢人運成風之
巧晉臣洒翰墨之輝雲聯梵殿煙凝珍館目屬寶坊儼焉
相對雕甍鏤角金鳳盤龍刊名模金分身留影地土聿廣
樓閣相連變現無方感通隨念至若須彌地主虛宮梵王
是名菩薩月光童子如請說經猶言護法內控六賊外伏

四魔皈依祖師同申戒律心悟一乘行聞正果道存八方
宏施濟度爲現在楷梯乃將來龜鏡寺主雪獻法師俗姓
安氏姑藏人驃騎大將軍安公子孫高蓋駟馬平生不屑
宴坐經行深心自悟元該四攝言絕二邊營事伽藍備盡
精力所有營構悉稟規模上座證靜法師俗姓王氏太原
人高邁非常晚近無等操尚遠情利益維那元證法師崇
隸前上座守廉等並志誠明瞻風神疎朗共圖經始大願
成就加以崇草園林列蒔花果琪樹爭妍瑣臺森列價重
香山名高元圃法城之侶朝夕來遊行李之徒瞻仰不輟

誠西域之慈航而五涼之勝事也況乎義冠人天福禔中外萬禩無疆千秋莫朽爰記其事兼讚以偈

逖聽人代博求古今至宮不寧法乳無音罕通惠樹直敞
稠林何以出音惟聞覺地出俗云何證在煩惱修持奚故
達在生老利物非速古今未早無去無來曰法曰道雖在
譬喻言說皆空雖在圖像無有是同跡權混實理契感通
智周惟理匪我求蒙教法兆基伽藍土地梵宇宮殿經臺
樓閣寶鎮垂蘇璇題流鐸光陰煜耀烟霞忽霍三休槧日
千尋倒影花散梅梁蓮披藻井鶼鶼不及元態自逞超士

伏厯王人摩頂旣安靈館式紹禪關頓漸成學廣施積善
道彌有路義總無餘一超色相求敦居諸

劉待價

待價景雲時人

朝議郎行兗州都督府方與縣令上護軍獨孤府
君碑銘并序

聞夫乾蓋上闢星緯分其纏舍坤輿下蟠河岳裂其封域
是以觀象體物建百里之庶邦敦俗牧人置千石之多士
則有威齊風雨稱明鏡於當時德洽絃歌號元龜於後葉

其有繼美宣化教肅刑清作根本於巖廊爲喉命於黔庶
休明一代映徹九泉厯選徽塵歸獨孤府君矣公諱仁政
字仁政河南洛陽人也本姓劉氏導擾龍之巨源長河不
竭疏斷蛇之曾岫連岳無窮屬逐鹿於中原乃避時於北
漠因山易姓以氣雄邊及魏室之鬱興服袞論道遷周邦
而扈從衣錦還鄉吐奕葉而增昌朝盈紫綬聳本枝而逾
懋郡接朱幡茵藹紛綸可畧而述高祖永業齊中書舍人
南道行臺右丞洛州刺史遷左丞加散騎常侍儀同三司
特進行臺左僕射封夏州啟寧縣開國公武安郡開國公

廣州德廣郡開國公西平郡開國公瀛州章武郡開國公
彭城郡開國公各食邑二千戶賜鼓吹一部絹布各二千
匹錢冊萬俘口三百餘人馬五十匹轉七兵尚書兼吏部
尚書入周拜司徒公行臺尚書令冊臨川王大司寇少右
弼謚曰貞佩金章於黃閣綰懿綬於玳筵內助理於萬機
外佐平於百揆竒籌獨運戶邑光於六封雅樂相喧鼓吹
標於四錫曾祖子佳周柱國直閣將軍武安郡開國公華
州刺史儀同三司隨大將軍淮州刺史應國公拜壇虎將
祠黃石以傳書刺郡神君褰赤帷而察俗賞茅土於奧壤

以荅元功進儀服於太階還尊懋德祖義恭隋京兆郡富
平縣令唐秦王府倉曹參軍事荆王府長史右衛郎將左
衛中郎將左監門率溫汾歸婺四州諸軍事婺州刺史上
柱國高平縣開國侯雍容朱邸陪文雅之良遊巡警紫微
膺爪牙之重任百城宣化得賈父之能名五等開封獲通
侯之美稱父士贊唐宏文生文德皇后挽郎虞庠之胄必
擇士林楚挽之郎實資門蔭選授霍王府戶曹參軍事密
王府兵曹參軍事原州都督府戶曹參軍事轉汴州尉氏
縣令遷坊州鄜城縣令上騎都尉行丹州司馬襲爵高平

縣開國侯幕府端簪聞爲善之最樂列曹從務佐激濁以
增清叔孝擒姦智窮於耳粟伯騫薦士語重於笥金孫氏
襲侯尚食漢間之地謝庭蘊玉還光席上之珍惟公騰秀
二儀降精五緯鬢年對日綺歲參元成千里之權奇望雲
驥首刷五色之毛羽抱義賓王起家皇朝左勲衛左金吾
引駕出警入蹕統式道之朱麾夜徼朝巡司禦戎之金革
解褐思州司倉參軍事像水之平法絃之直游刃盈庭之
訟發蒙列局之疑掌十二之人天致菽粟之流衍改授宣
州溧陽縣丞南服水鄉北斗星分吳越錯雜士吏剽輕公

贊銅章以化人持水鏡而照物季俗爲之懲革淳風由是
興行轉朝議郎上護軍行兗州都督府方與縣令法三異
之化振百里之雷敦禮義以教人薄聚斂以富俗女修織
祚不下三齊男務耕耘還登九穀椎埋止息棹鼓於是稀
鳴罔圉空虛簡牘以之無事旣而焦延罷職上書願留劉
寵去官攀轅而送方同胡紹專城之任克遷遽等宣尼倚
戶之吟斯作以景龍二年三月廿九日遘疾卒於河內郡
之私第春秋七十有七士喪衣冠道亡儒墨德音何在恨
九言之不追魂氣何之痛百身之莫贖惟公抱素懷璞蹈

孝履忠蘊智成囊含明作鏡敞生白之虛室泛登仙之桂
舟酌其流而惑淺深庇其宇而忘寒暑儒林罩月武庫驚
雷六義分落錦之篇八體下崩雲之陣阮公琴酒情盤修
竹之間尸子登臨神王長松之下清門赴弔無雜號之賓
儉室奉終靡一金之產可謂至德君子人之楨榦者也以
景雲二年歲次辛亥二月景子朔廿七日壬寅遷窆於洛
州河陽西北韓城鄉龍臺里之平原禮也馬啟滕城鳥飛
楊墓晚風含怨託松柏以揚聲斜日緘愁向煙雲而沮色
嗣子宗業隆堂構孝極天經攀翠柏以長悲奉元醪而永

慕想元成之祖德遂述家風鑒陳實之貞碑爰題翠玉庶
陵移谷變竹帛匪堅而懿德嘉聲乾坤等固其詞曰

擾龍流派斷蛇分族遇亂中原避時北服因山易姓待時

千祿其一北魏稱帝佐命爲臣爰從鳳蹕式返雞津祚茅食

采華轂朱輪其二踵德誕美韶姿令器渾金璞玉霜鶴雲驥

論起談天詞成擲地其三振翼鳳穴統武兵欄捧戰帝綰

綬除官霜凝吏道花飛筆端其四一同莅俗五美興化剽劫

懲姦嗤眩息詐女修纂績男務耕稼其五攝官稱謝攀轅告

歸佇遷喬木奄落斜暉昊天不憇與吾何違其六相彼青烏

啟茲元室縞駟發輶丹旒揚日九原不返千秋永畢
其贈七
人悲而結憎弔鶴思而氤氳薤灑泣珠之露松纏慘玉之
雲爰勒銘於元石以作固於清芬其八

欽定全唐文卷二百七十九目錄

靳翰

大唐故朝散大夫護軍行黃州司馬陸府君墓誌

銘

鄭萬鈞

代國長公主碑

楊虛受

請禁惡錢疏

源乾曜

請舉行射禮疏

請出二子爲外官疏

先師閔損字子騫贊

潘好禮

諫立武惠妃爲皇后疏

徐有功論

蕭嵩

請宣示祥瑞表

請封嵩華二岳表

謝移家廟疏

裴漼

請封東岳表

諫春旱造寺觀疏

先師卜商字子夏贊

少林寺碑

欽定全唐文卷二百七十九

靳翰

翰官朝議郎行右拾遺

大唐故朝散大夫護軍行黃州司馬陸府君墓誌銘

君諱元感字達禮吳郡吳人也昔者舜嗣堯歷協帝初以
閹門田育姜姓賓王終而有國其後俾侯於陸開錫氏之
源作相於吳纂承家之祕元德之緒莫京於代曾祖慶梁
官至婁令入陳三辟通直散騎侍郎皆不就祖士季陳桂

陽王府左常侍隋越王府記室皇朝太學博士宏文館學士父謀道皇朝周王府文學詳正學士並茂稱奕代餘慶資身擢慧葉而增芳飛靈波而益濬去官辭辟語默稱賢函席曳裾文儒繼美君生而敏慧長而溫良識清朗而惟深體矜重而不野宗族愛而加敬鄉黨狎而愈恭始以資宿衛解褐韓王府參軍事以丁憂去職服闋值國討狄軍出定襄戎幕擇材君爲從事文武吉甫斯人之謂歟尋爲婺州龍邱丞贊貳有能風俗時變遷睦州建德和州厯陽二縣令育人去殺訓物齊禮子游絃歌武城歎其焉用仲

康烏獸中牟稱其胥及尋加朝散大夫除黃州司馬到官
未幾以神龍三年七月二十日遘疾而卒春秋七十有五
天不與善神無福謙不其悲哉粵景雲二年三月初一日
葬於崑山禮也初文學府君以善班固漢書勅授舒王侍
讀君少傳其學老而無倦此易所謂幹父之蠱詩所謂聿
修厥德者也嗣子南金等哀號罔極孝思率至卜兆是營
封樹特永憂陵谷之變託詞頌休銘曰

簫韶儀鳳觀國賓王我祚光兮東有齊土南入吳鄉我族
昌兮自君嗣業履素含章我譽臧兮內遊藩邸外掃戎場

金石錄卷之二十一
我才揚兮爲丞與令化洽三方我人康兮天子命我我朱
孔陽佐乎黃兮美志未極盛圖云亡訴穹蒼兮碩德休問
地久天長永無疆兮

鄭萬鈞

萬鈞尚睿宗第四女永昌公主拜駙馬都尉祕書少監

代國長公主碑

上闕一我闕一唐闕二聖爲闕一天下闕二字睿宗有
三字天字闕二字唐字聖爲字闕二字
闕十我闕四二后闕一地中闕三誕闕二一爲王二爲主
字

公主諱華字花婉世祖神堯皇帝之元孫睿宗大聖真皇

帝之第四女今上之仲妹也母曰肅明皇后劉氏肇開湯

沐冊號永昌後迺相攸降歸於鄭時年一十有七

闕一
猶字

關三
既嫁關一象歸妹

闕一
字

作嬪之養築以外館錫之美

邑食封一千四百戶置邑官焉開元初加崇代國長公主

植性而智因心則靈道亮於懷色溫於貌美髮可鑑素

闕三

字惠聲關二仁澤潛揚言有餘味情無近屬服慈友敦孝

敬昔在諒闇殆將毀滅聰明銳澈韻清慮遠耳目所經無

不諷誦簡謐恬眸融融如也每擣蒲箇

闕一
暮關一於盡

得妙微至於箜篌笛琴擣琵琶七弦阮咸箏隔簾

闕一
之

隨手便合有若天與寔同生知冰碧在躬學無不通聰捷
若神聲皆絕倫騁蕙心以闕一巧
闕一變
闕一而添
闕一字
變字
闕一字
添字

內範一部尤皆精鍊畫恒不寐留情翰墨書薦福寺經柱
三百餘言拂石雲散垂鈎露凝兔轉仙毫初從夜月麝霏
烟墨盡落天花初則天太后御明堂宴聖上年六歲爲楚

王舞長命

闕三字

年十二爲皇孫作安公子岐王年五歲爲

衛王弄蘭陵王兼爲行主

詞曰衛王入場咒願神聖神皇

萬歲孫子成行公主年四歲與壽昌公主對舞西涼殿上

羣臣咸呼萬歲蒙自奉朱顏卅餘載洎乎暑月衣服如賓

謙婉之情不以天闕一見棄闕二何幸恩遇彌深男二女

四教之以德長子左贊善大夫聰聰爲吾耳次子右贊善

大夫明明爲吾目明使海內見聰使天下聞於國忠於家

孝合則雙美

闕一爲闕二

傳云以德命爲義也聰爲駙馬

都尉恨未親迎長女

闕一

范陽盧氏有肅邕之譽二女琇

博陵崔氏資明豔之容三女瓊范陽盧氏多慈孝之美四

女

闕一

太原王氏

闕一

純粹之行勗之曰玉以比德四合

天則洵駢瑤彩式昭供事懋乃衷潔作吾女儀逮乎晚年

歸心聖域六齋蔬食二時靜念

闕一

誦金剛經兩部

闕一

字

華嚴八

闕一
字

卷寶積

一百廿大般若六百法華藥師大集

等經領晤了然色空不著撒聲樂投珠罽十有餘年矣又於僧義福跪受禪觀又於金剛三藏受阨羅尼灌頂是相

非相以心照心逍遙真宗寂歷虛景去年忽謂蒙曰昨夜

夢念珠

闕一
字

斷急手自拾一個不得是不祥他日又夢入

法堂見一空座有人指之此四公主座恐明年

闕二
字

乃後

數月脩其儀刑稍稍顚賴以開元廿二年六月廿

闕一
字

日

忽然不食安寢不起神氣晏如有同入定聖上愛切同生

倍

闕二
字

念內

闕三
字

中人饋藥朝觀夕察有加無瘳蒙泣而

諭之久作兜率天業正念莫散勿顧男女答蒙自解在也

未去莫不

闕一
字

又向尼梵海云生則有死不如不

闕三
字

奴每讀經徹卷

闕一
字

發願願生第四天

闕一
字

和先許

奴不

闕一
字

罪翌日勅使來問口自附奏在上千萬珍重深

憶在上爲人時孝順

闕一
字

業精神錯亂言語不得合掌奉

辭至其日

闕一
字

衆忽云有勅使

闕一
字

索香水類浴於正寢

而寐齋時炯然開目告別諸王公主及諸親等相府

闕一
字

大內

闕一
字

及一切總放不情願者於諸莊安置先是司農

小兒亦准此家生者不在此限品官給使放歸上臺封分

一半施寺觀家餘平分與女請陪葬橋陵不得厚葬莫著
金銀銅器執蒙手曰恩愛斷也有不是處莫怪更枉辛苦
屋裏人去去年少在莫更請出家蒙送奉一杯水別飲畢
長逝詞采清明宛若真訣以其月廿九日薨於河南修業
里第享年卅八初公主禮導善寺尼慈和者因說彌勒宮
事云阿婆未成更十年不知計至薨日今正十年嗚呼報
應之兆有期闕一
字一眼之言何驗下生輪王之室還上天宮
嬉遊正遍之門是登圓闕一
字皇帝輟朝三日使尚宮弔祭
賜衣五十副所緣喪葬官供闕一
字作闕四監護永穆公主

及駙馬王縣同安王洵送往并爲寫一切經以其年十二

月三日陪葬橋陵孝也天常與善茲言妄作曷殞濃華遽

凋繁萼

闕二字

宵傾嚴霜夏落

闕一闕

紫紆其如慕悲展轉其

奚

闕二字

一嗚呼月辭天闕兮星沒皇宮翟服裝衣不可逢花

飄粉田兮葉萎沁水油軒畫

闕一闕

長已矣嗟乎蒙

闕二闕

膺

闕一闕

門流涕容儀既

闕一闕

錦茵期憑夏屋

闕一闕

封儼

設楚挽齊引驪駒啟行丹旆旆空素衣皓野撫靈軒而增

慘仰空山而泣血夫敘德必近

闕一闕

親議賢

闕一闕

崇乎直

旣親且直蒙何愧諸敢述流芳悲題翠玉其詞曰

於爍有唐系乎天光承天者帝嗣帝稱皇猗那昭

闕字

一作

皇之對厥生貴主爲天之妹天妹伊何窈窕如玉浹洽恩

被綢繆禮縟道賁娥英德光宵燭其行成軌其言可服蒸

蒸孝敬抑抑威儀九族敦敘百禮罔虧學非從傳書乃臨

池歸真捨逸了靜絕爲曰仁者壽天何不諒指座先徵遺

珠見相殷勤自勉誼諉無忘

闕字

匪慾留固然遠颺帝心

悼惻傾家殯喪大匠監供

闕字

王送葬蒙也何罪忍奪天

人借如可贖願百其身穠李萎曉華祕春金剛罷焰玉

座生塵馬鬣成封龍輪即路畫翼扶轂丹旌指墓

闕字

一薤

挽於霜廳

關字

笳簫於隴霧霜廳隴霧相披紛薤挽笳簫

咽不聞珠襦玉匣盡元夜軒后陵邊皇女墳

楊虛受

虛受元宗朝官諫議大夫充宣勞使

請禁惡錢疏

伏見市井用錢不勝濫惡有加鐵錫即非公鑄虧損正道
惑亂平民銅錫亂雜僞錢豐多正刑漸失於科條明罰未
加于守長帝京三市人雜五方淫巧競馳侈僞成俗至於
商賈積滯富豪藏鑑兼并之人歲增儲蓄貧素之士日有

空虛公錢未益於時須禁法不當於世要其惡錢臣望官爲博取納鑄錢州京城並以好錢爲用

源乾曜

乾曜相州臨漳人舉進士景雲中累遷諫議大夫出爲梁州都督開元四年拜黃門侍郎同紫微黃門平章事八年加銀青光祿大夫遷侍中十七年遷太子少傅封安陽郡公十九年卒贈幽州大都督

請舉行射禮疏

夫聖王之教天下也必制禮以正人情人情正則孝於家

忠於國此道不替所以理也故君子三年不爲禮禮必壞
三年不爲樂樂必崩是以古之擇士先觀射禮以明和容
之義非取一時之樂夫射者別正邪觀德行中祭祀辟寇
戎古先哲王莫不遞襲臣竊見數年以來射禮便廢或緣
所司惜費遂令大射有虧臣愚以爲所費者財所全者禮
故孔子云爾愛其羊我愛其禮今乾坤再闢日月貞明臣
望大射之儀春秋不廢聖人之教今古常行則天下幸甚

請出二子爲外官疏

平不合如此臣三男俱是京任望出二人與外官以叶均平之道

先師閔損字子騫讚

惟顏亞聖惟閔比德讓寧善辭安親順色

闕一

靜無閒中

正是則非經即禮至孝之極

潘好禮

好禮貝州宋城人舉明經累擢侍御史開元中轉邠王府長史遷豫州刺史累徙溫州別駕卒

諫立武惠妃爲皇后疏

臣嘗聞禮記曰父母之讎不共戴天公羊傳曰子不復父讎不子也昔齊襄公復九世之讎丁蘭報木母之恩春秋美其義漢史稱其孝陛下既不以齊襄爲法丁蘭爲戒豈得欲以武氏爲國母當何以見天下之人乎不亦取笑於天下乎非止虧損禮經實恐污辱名教又惠妃再從叔三思從父延秀等並干亂朝綱遞窺神器豺狼同穴梟獍同林至如惡木垂陰志士不息盜泉飛液正夫莫飲良有旨哉且匹夫匹婦欲結夫妻者尚相揀擇況陛下是累聖之貴天子之尊乎伏願陛下詳察古今鑒戒成敗慎擇華族

之女必在禮義之家稱神祇之心允億兆之望爲國大計
其在於茲且惠妃本是左右執巾櫛者也不當參立之數
春秋書宋人夏父之會無以妾爲夫人齊桓公誓命於葵
邱亦曰無以妾爲妻此則夫子恐開窺競之端深明嫡庶
之別又漢成帝欲立趙氏爲皇后劉輔極言漢桓帝欲立
薄氏於中宮李雲切諫又見人間盛言尚書左丞相張說
自被停知政事之後每諂附惠妃誘蕩上心欲取立后之
功更圖入相之計伏願杜之於將漸不可悔之於已成且
太子本非惠妃所生惠妃復自有子若惠妃一登寢極則

儲位實恐不安皇太子旣守器承祧爲萬國之主本何可輕易輒有搖動古人所以見其漸者良以是也昔高祖以戚夫人之故將易太子之位時有商山四皓雖不食漢庭之祿尚能輔翼太子況臣愚昧職參憲府慷慨關心感激懷憤陛下留神省察

徐有功論

客有問於主人曰地官徐員外何如也答曰守道君子也客曰徐公明識誠難爲儔也何不稍圓通以協隨時之義而取富貴乎何爲固守方正乖相時之道幾致死亡者數

矣此豈大雅君子全身之義哉答曰夫隨時相宜而取富貴凡情所曉徐公豈不達之若徐公者仁人也夫仁者濟物也此道大矣非常人所知故孔子曰有殺身以成仁無求生以害仁徐公之不愛死亡固守誠節用此道也豈以貴賤生死而易其操履哉問曰仁則信矣忠則如何答曰豈有仁者不忠乎當今帝德文明憂勞庶政思致刑措以隆中興徐公獻可替否盡忠盡節誠欲戴明主於堯舜之上置蒼生於大道之中事跡顯然有識同悉子何疑而問哉客曰鄙人固鄙不閑大體忠則信矣孝則如何答曰豈

有忠臣而非孝子也孝經曰君子之事親孝故忠可移於君立身行道揚名於後代以顯父母今徐公之名聞於四海有志之士莫不增氣豈直揚名亦永錫爾類矣禮曰大孝揚名徐公之謂也問曰徐公之道既高矣何爲暫處霜臺即奏天官得失榜諸門以示天下規規然是釣名耳其故何哉主人胡盧而笑久而應之曰子徒見培塿未覩泰山乎夫天官者奔競既久濫進宏多選司權輕且未能止此弊之甚也徐公旣處霜臺以澄清爲已任切於救弊急於爲善此徐公之情也以爲釣名可謂不知言矣客有慚

色問曰此人當今可誰與比荅曰宇宙至廣人物至多匿
跡韜光者固有之矣僕寧敢厚誣天下之士乎若所聞見
一人而已當於古人中求之間曰何如張釋之荅曰釋之
爲廷尉天下無冤人此畧同耳然而釋之所以者甚易徐
公所行者甚難難易之間優劣可知矣問曰張公徐公皆
是國士至於斷獄俱守正途事跡旣同有何難易荅曰張
公逢漢文之時天下無事至如盜高廟玉環及渭橋驚馬
守法而已豈不易哉徐公逢革命之秋屬維新之命唐朝
遺老或有包藏禍心遂使陶公之璧有所疑矣至如周興

來俊臣者更是堯舜之四凶也掩義隱賊毀信廢忠崇飾
惡言以誣盛德遂使忠臣側目恐死亡無日矣徐公守死
善道深相明白幾陷囹圄數挂網羅此吾子所聞豈不難
矣易曰知進退存亡而不失其正者徐公得之矣客曰若
使此人爲司刑卿方得展其才用答曰吾子徒見徐公用
法平允即謂可置司刑僕觀其人固奇士也方寸之地何
所不容者其用之何事不可豈直司刑而已哉客曰今日
聞吾子議知徐公之令德未可盡言乎固知君子之道非
小人所測也

蕭嵩

嵩左僕射宋國公瑀曾孫景雲初擢殿中侍御史開元十五年爲兵部尚書河西節度使封蘭陵縣子以破吐蕃功加同中書門下三品十七年兼中書令加金紫光祿大夫進封徐國公二十四年拜太子太師天寶八載薨年八十餘贈開府儀同三司

請宣示祥瑞表

伏見所司奏今年祥瑞祥風起日抱戴嘉禾秀芝草生甘露降醴泉湧木連理瓜同蒂竹再生李成實馴鳩元鵠慈

欲受三洞真經其年春之三月中官賚璽書云其月十八日魁受經誥是日於大同殿潔修其事遂遙禮先生爲元師并賜衣一襲以伸師資之禮因以元靖爲先生之嘉號焉仍詔刻石於華陽洞宮以誌之是歲夏五月隱居先生合丹之所有芝草八十一莖散生於松石之間詔俾先生與中官啓告靈仙緘封表進夏又詔以紫陽觀側近二百戶太平崇元兩觀各一百戶並蠲其官徭以供香火秋七月又徵先生旣自請居道觀以養疾九載春辭歸舊山其年夏六月前生靈芝之所又產三百餘莖煌煌秀異人所

莫覩先生又圖而奏之是歲冬又徵先生於紫陽別院館
之十載秋先生又懇辭告老御製序詩以餞之十有一載
先生奉詔與門人韋景昭等於紫陽之東鬱岡山別建齋
院立心誠肅是夜仙壇林間徧生甘露因以上聞特詔嘉
異初隱居先生以三洞真法傳昇元先生昇元付體元先
生體元付正一先生正一付先生自先生距於隱居凡五
葉矣皆總襲妙門大正真法所以茅山爲天下道學之所
宗矣於戲是非可齊也我物均焉生死可忘也覺夢同焉
如此者何域心於變化之際哉先生以大曆己酉歲冬十

一月十有四日遁化於茅山紫陽之別院春秋八十有七
其年十二月八日門人赴喪而至者凡數千人號奉冠鳥
遷空於雷平山之西陲遺命以松棺竹杖木几水瓶香奩
香鑪置於藏內門弟子等仰奉嘉猷克遵儉德先生識思
真淳業行高古道窮情性之本學冠天人之際所以優游
句曲鬱爲王者之師出入明庭特寵肩輿之貴是知順風
而問昔稱於黃帝望山而請今見於元宗矣又博覽羣言
長於著撰嘗以本草之書精明藥物事關性命難用因循
著音義兩卷又以老莊周易爲潔淨之書著學記義略各

三篇內學記二篇以續仙家之遺事皆名實無違詞旨該
博初先生幼年頗工篆籀而隸書尤妙客或賞之云賢於
其父因投筆不書元宗詔山人王貞強請先生楷書上經
一十三紙以備楊許之闕先生能於陰陽術數之道而不
以藝業爲能極於轉鍊服食之事而不以壽養爲極但冥
懷素樸妙味元津非夫博大之至人孰能盡於此真卿乾
元二年以昇州刺史充浙西節度欽承至德結慕元微遂
專使致書於茅山以抒誠懇先生特令韋鍊師景昭復書
於真卿恩眷綢繆足勵超然之志然宗師可仰望紫府而

非遙王事不遑寄白雲而攸遠洎大歷六年真卿罷刺臨
川旋舟建業將宅心小嶺長庇高蹤而轉刺吳興事乖夙
願徘徊郡邑空懷尊道之心瞻望林巒永負借山之記而
景昭洎郭闔等以先生茂烈芳猷願銘金石乃邀道士劉
明素來託斯文真卿與先生門人中林子殷淑遺名韋渠
牟嘗接采真之遊緒聞含一之德敢強名於巷黨曷足辨
於鴻蒙其詞曰

抱一混茫人之紀綱先生以之氣王神強乃啓元旨元門
以彰乃爲帝師帝道惟康甘露呈瑞靈芝效祥上士云感

高風載揚鶴返仙廟雲辭帝鄉退歸而老妙識行藏德本無累道心有常實曰形解孰云坐忘伐石袁墓勒銘傳芳谷變陵遷厥跡彌光

浪跡先生元真子張志和碑銘

士有牢籠太虛摵披元造擺元氣而詞鋒首出軋無間而理窟肌分者其惟元真子乎元真子姓張氏本名龜齡東陽金華人父遊朝清真好道著南華象罔說十卷又著沖虛白馬非馬證八卷代莫知之母留氏夢楓生腹上因而誕焉年十六遊太學以明經擢第獻策肅宗深蒙賞重令

翰林待詔授左金吾衛錄事參軍仍改名志和字子同尋復貶南浦尉經量移不願之任得還本貫旣而親喪無復宦情遂扁舟垂綸浮三江泛五湖自謂烟波釣徒著十二卷凡三萬言號元真子遂以稱焉客或以其文論道縱橫謂之造化鼓吹京兆韋詣爲作內解元真又述太易十五卷凡二百六十有五卦以有無爲宗觀者以爲碧虛金骨兄浦陽尉鶴齡亦有文學恐元真浪跡不還乃於會稽東郭買地結茅齋以居之閉竹門十年不出吏人嘗呼爲拘河夫執畚就役曾無忤色又欲以大布爲褐裘服徐氏聞

之手爲織績一製十年方暑不解所居草堂椽柱皮節皆
存而無斤斧之跡文士效柏梁體作歌者十餘人浙江東
觀察使御史大夫陳公少遊聞而謁之坐必終日因表其
所居曰元真坊又以門巷湫隘出錢買地以立閨闥旌曰
迴軒巷仍命評事劉太真爲敘因賦柏梁之什文士詩以
美之者十五人旣門隔流水十年無橋陳公遂爲勑造行
者謂之大夫橋遂作告大夫橋文以謝之常以豹皮爲履
駢皮爲屨隱素木几酌斑螺盃鳴榔杖擎隨意取適垂釣
去餌不在得魚肅宗嘗賜奴婢各一元真配爲夫婦名夫

身初應於中古見神通之力廣拔苦因開智惠之門深明
樂界鶴林變色觀其戀慕之心鴈塔開扉通其瞻仰之路
少林寺者後魏孝文之所立也東京近甸太室西偏正氣
居六合之中清都控九州之會緜山北峙亘宛洛之天門
穎水南流連荆河之雲澤信帝畿之靈境陽城之福地沙
門跋陀者天竺人也空心元粹惠性淹遠傳不二法門有
甚深道業緬自西域來遊國都孝文屈黃屋之尊申繙林
之敬太和中詔有司於此寺處之淨供法衣取給公府法
師迺於寺西臺造舍利塔塔後造翻經堂香木成塗金繩

爲約苦心精力俾夜作晝多寶金身之地不日就工如來
金口之說連雲可庇西緣長澗夾松柏之蕭森北拒深崖
覆筠篁之冥密烟花濃靄暝下天香泉籟清音曉傳空樂
跋陁息心茲地樂靜安居感而遂通境來斯證寤寐之際
若有神人致石磬一長四尺規制自然聲律咸具得之河
曲空聞漢使之談浮於泗濱徒入夏王之貢管絃風夜合
清響於中天鐘梵霜晨諧妙音於上劫時有三藏法師勒
那翻譯經論遊集刹土稠禪師探求正法住持塔廟毗箭
不居光塵易遠虹梁所指象設猶存周武帝建德中納元

嵩之說斷佛老之教率土伽藍咸從廢毀明皇帝繼明正位追崇景福大象中初復佛像及天尊像迺於兩京各立一寺因孝思所置以陟岵爲名其洛中陟岵即此寺也隋高祖受禪正朔旣改徽號已殊惟此寺名特令仍舊開皇中有詔二教初興四方普洽山林學徒皈依者衆其柏谷屯地一百頃宜賜少林寺大業之末九服分崩羣盜攻剽無限眞俗此寺爲山賊所劫僧徒拒之賊遂縱火焚塔院院中衆宇倏焉同滅瞻言靈塔巍然獨存天龍保持山祇福護神力所及昔未曾有寺西北五十里有柏谷墅羣峯

合沓深谷逶迤複磴緣雲俯窺龍界高頂拂日傍臨鳥道
居晉成塢在齊爲郡王充僭號署曰贛州乘其地險以立
烽戍擁兵洛邑將圖梵宮皇唐應五運之休期受千齡之
景命掃長蛇薦食之患拯生人塗炭之災太宗文皇帝龍
躍太原軍次廣武大開幕府躬踐戎行僧志操惠揚曇宗
等審靈瞻之所往辨謳歌之有屬率衆以拒僞師抗表以
明大順執充姪仁則以歸本朝太宗嘉其義烈頻降璽書
宣慰既奉優教兼承寵錫賜地冊頃水碾一具即柏谷莊
是也迨海窩既平憲章云始僞主寺觀盡令廢除僧善護

洞曉二門遠該三行詣闕進表特蒙置立武德中寺有白雀見貞觀中明禪師造重塔之辰白雀復示見璿圖肇啟初欲呈祥寶殿纔興遽聞相賀高宗天皇大帝光紹鴻業欽明至理嘗因豫遊每延聖教咸亨中乘輿戾止御飛白書題金字波若碑留旛像及施物永淳中御札又飛白書一飛字題寺壁雲開顧鶴電轉游龍神草競秀於椒塗雲泉迴飛於錦石雕甍增耀若綴春葩金罍分輝似懸秋露天皇升遐則天大聖皇后爲先聖造功德垂拱中有冬竹抽筍塔院後復有簾生證聖中中使送錢於簾生處修理

陞階寺上方普光堂功德隨日修造自爾飛鳥莫敢翔集
此寺跋陁疏置業造神微皇家尊崇事光幽祕珍符薦臻
於動植靈應亟發於庭除累聖屬心每頒渥澤王言宸翰
既疊映於雞峯寶象珠幡亦交馳於龍壑皇上睿圖廣運
神用多能藉明臺之化清繹天池之墨妙以此寺有先聖
繙構之跡御書碑額七字十一年冬爰降恩旨付一行師
賜少林寺鐫勒梵天宮殿縣日月之光華佛地園林動烟
雲之氣色漢元魏武徒街竒於篆素鍾繇蔡邕虛致美於
絅簡日者明勅令天下寺觀田莊一切括責皇上以此寺

地及礪先聖光賜多厯年所襟帶名山延袤靈跡羣仙是
宅邁羅閱之金峯上德居之掩育王之石室特還寺衆不
入官收曾是國土崇絕天人歸仰固以名冠諸境禮殊恒
刹矣高僧跋陁明三藏心禪諸門弟子惠光道房稠禪師
等精勤梵行克傳勝業惠光弟子僧達曇隱法上法師等
十大德亦號十英復有達摩禪師深入惠門津梁是寄弟
子惠可禪師等元悟法寶嘗託茲山周大象中寺初復選
沙門中德業灼然者置菩薩僧一百廿人惠遠法師洪遵
律師即其數也皇唐貞觀之後有明遵慈雲元素智勤律

師虛求一義洞真諦之源復有大師諱法如爲定門之首
傳燈妙理弟子惠超妙思竒拔遠契元蹤文翰煥然宗途
易曉景龍中勅中岳少林寺置大德十人數內有缺寺中
抽補人不外假座無虛授澄什聯華林遠接武星霜殆周
於二紀蘭菊每芳於十步上座寺主都維那等牢籠法藏
遊息禪林德鑿神珠戒成甘露海內靈岳莫如嵩山山中
道場茲爲勝殿二室迴合八谷潺湲地匝貝花門連石柱
妙樓香閣俯映喬林金刹寶鈴下搖清漢法界之幽贊如
彼皇家之福應如此天長地久不傳忉利之宮劫盡塵微

孰記鐵圍之會精求貞石博訪良工將因墨客之詞或頌
金仙之德聿宣了義遠喻真空其詞曰

恒沙國土微塵品類妄見飛奔正心蘊櫃昏途莫曉淨根
將墜樂於蓋纏若安夢寐蒸哉大聖降跡闇浮潛迴寶軸
廣運慈舟實無滅度示有降柔紺宮西闢白馬東流迷因
慢生悟爲信起玉刹斯建寶山載峙花臺竹林清泉妙水
靜惟真相湛然攸止巖巖嵩嶺河洛巨鎮下屬九溪上干
千仞天磴重阻仙都清竣式創招提是資誘進婉彼上德
載誕耆闇傳業西土演教中華孝文申敬恩賜仍加經營

宴室迴出雲霞中岳北陟嵩山西麓斜界玉池洞開柏谷
紓餘嵒澗連延水木鬱起旃檀云誰卜築吾師苦行清修
道場勵精像宇專力經堂金界繩直椒塗水香散花有地
棲禪得方解空應真默識開士乘盃遊集振錫戾止翻譯
幽偈發揮妙理仙磬感靈神雀降祉運交土木代厯周隋
劫火遞起魔風競吹法身咸翳淨國同隳或聞興復詎振
奔離神堯應期撥亂反正皇矣覺力大宏福慶式遏醜徒
聿扶神聖屢降恩旨兼敷錫命高宗時豫先後卜征亟迴
雕輦屢倚虹旌嚴題玉札地振金聲珍符薦至在物斯呈

我皇龍興有典咸秩懿茲上界式諸神筆雲搖大圍鑾迴
少室草垂仙露林昇佛日護持八正每候能仁跋陀降德
稠公有鄰厥後真侶更傳了因辨才高行無替清塵倬焉
梵衆代有明哲今我諸公蘊彼禪悅芳越蘅杜淨踰冰雪
遠締津梁無非苦節賴上靈岳山間寶殿秀出梵天孤標
神縣芥城可竭桑田有憂貞石永刊靈花常遍